

13. ALDIZKARIA - 2016ko urtarrilaren 21a

8. ORDENANTZA FISKALA, IBILGAILUAK IBILGETU, EREMU PUBLIKOTIK KENDU ETA ONDOTIK ZAINTEKO ZERBITZUAREN ESKUBIDEAK ETA TASAK ARAUTZEN DITUENA

OINARRIA

1. artikulua. Ordainarazpen hau ezarri da Nafarroako Toki Ogasunei buruzko martxoaren 10eko 2/1995 Legearen lehenengo tituluko IV. kapituluko 7. atalean xedatutakoaren arabera eta lege beraren 12. artikuluan jasotzen den baimenari jarraituz.

ZERGAPEKO EGINTZA

2. artikulua. Zergapeko egintza da Udaltzaingoko agenteek ibilgailua ibilgetzeko zerbitzuak egitea, beren eskura duten baliabideen arabera egiaztatzen dutenean ibilgailuak ez duela nahitaezko aseguruia, baita ibilgailuak kentzekoak ere, dela hasia dela osoa, kasuan kasuko udal zerbitzuen bitartez, eta, ondorioz, ibilgailua gordetzekoak, interesdunari itzuli arte.

3. artikulua. Honako hauek tasa ordaintzetik salbuetsita daude:

1. Behar den baimena duten kabalkada, desfile, segizio, kirol-saio edo bertze jarduera nabarmenen bat eginen den ibilbidean aparkaturik egoteagatik kentzen diren ibilgailuak.

2. Aparkaturik egonik, eremu publikoa konpontzea edo garbitzea eragozten dutelako kentzen diren ibilgailuak.

3. Jabeei ebatsirik eremu publikotik kentzen diren ibilgailuak. Jabeak, horretarako, lapurreta salaketaren kopia aurkeztu beharko du.

4. Ibilgetutako ibilgailuak, egiaztatzen denean indarrean zutela nahitaezko aseguruia ibilgailua ibilgetu baino lehen.

5. Udaltzaingoak ibilgailua altxatua dela jakinarazten duen unetik sortuko dira "Altxatoki zerbitzuko kuotetan" ezarritako kuota arruntak.

ZERGA ORDAINDU BEHARRA ETA TASAREN SORRARAZPENA

4. artikulua. Zerga ordaindu beharra zerbitzu osoa egitean edo egiten hastean sorraraziko da, eta une berean ere izanen du sorrarazpena ibilgailua kentzeko tasak.

5. artikulua. Ibilgailua kendu eta 24 ordu iraganik izanen du sorrarazpena ibilgailua altxatzeko tasak.

SUBJEKTU PASIBOA

6. artikulua. Indarra duen legezko araudian xedatutakoari jarraikiz, ibilgailuaren gidariak ordaindu beharko du tasa, eta subsidiarioki ibilgailuaren titularrak.

KARGA-OINARRIA

7. artikulua. Ibilgetu, kendu edo altxatu den ibilgailu bakoitza da karga-oinarria.

SALBUESPENAK

8. artikulua. Lege nahiz erregelamenduetako xedapenek hala aginduta nahitaez aplikatu beharreko salbuespenak baizik ez dira onartuko.

TARIFAK

9. artikulua. Ibilgailuak kentzeagatik, edo kentzen hasteagatik, eta altxatzeagatik aplikatu beharreko tarifak ordenantza honetako eranskinean daude ezarrita.

TRIBUTUAREN KUDEAKETA

10. artikulua. Ordainarazpen honen diru-bilketarako arau berezitako, zerbitzu honek sortuko dituen tasak Udaltzaingoaren diru-bilketa zerbitzuetan ordainduko direla ezarri da. Udaltzainek, ordainketa frogatzeko, behar den ordainagiriak edo tributu efektuak luzatuko dituzte.

11. artikulua. Kendutako ibilgailua ez zaio jabeari itzuliko hura kendu eta altxatzeak sortu dituen eskubideak ordaindu arte.

12. artikulua. Tasa honen likidazioa ordaintzeak ez du kentzen inolaz ere zirkulazio arauak hausteagatik bertzalde izan daitezkeen zehapen edo isunak pagatu beharrik.

JABEEK ERAMAN GABEKO IBILGAILUAK

13. artikulua. Udalak bere altxatokietan dauzkan ibilgailuak esleituko ditu, eremu publikoan abandonatutako nahiz aparkatutako ibilgailuei buruzko 1965eko ekainaren 15eko eta 1967ko martxoaren 8ko Aginduetan ezarritakoari jarraikiz, baita ibilgailu abandonatuak eremu publikotik kendu eta altxatzeari buruzko 1974ko otsailaren 14ko Aginduan ere.

2018KO TARIFEN ERANSKINA – 28. NAON ARGITARATUA 2018KO OTSAILAREN 8A

Ibilgailuak kentzeko zerbitzuaren kuotak	
Kendutako ibilgailuen titularrei eskatuko zaizkien eskubideak honako zenbateko hauetakoak izanen dira:	
1) 2.500 kilogramorainoko ibilgailuak:	81,30 euro
2) 2.500etik 5.000 kilogramorainoko ibilgailuak:	132,80 euro
3) 5.000 kilogramotik goitiko ibilgailuak:	237,50 euro
Ziklomotorrak kentzen direnean, Udalaren beraren bitartekoak erabiliz egiten bada, tarifa hau sorraraziko da:	48,10 euro

Zerbitzua egitera etorri eta ibilgailua udal gordailuetara eramateko lanak hasiak direlarik, gidaria edo pertsona baimendua agertzeagatik eta erregelamenduaren araberako neurri zuzentzaileak hartzeagatik lan hori burutzen ahal ez bada, aitzineko tarifak %50 murriztuko dira.

Ibilgailuak gordailuan izateko zerbitzuaren kuotak

Ibilgailua gordailura eraman eta jakinarazi ondoren inork hartu gabe 24 ordu pasatzen direnean, tarifa hauek aplikatuko dira zaintzeagatik, egun edo zati bakoitzeko, hura norbaitek bildu arte:

1) Ziklomotorrak eta motozikletak:	3,30 euro
2) 2.500 kilogramo arteko ibilgailuak:	7,50 euro
3) 2.500 kilogramotik goitiko ibilgailuak:	17,00 euro

Egonaldiko 4. egunetik gora, aipatutako kuotak %25 handituko dira.

Kuota hauek udal tasatzat hartzen dira eta premiamendu bidea erabil daiteke kobratzeko.

Eranskin honetan aipatzen diren eskalak, kilogramotan adierazten direnak, ibilgailuentzat baimendutako gehieneko masari dagozkio.

Ibilgailuak ibilgetzeko zerbitzuaren kuotak

Udaltzainek ibilgailua ibilgetzea ezarritako gailuarekin:	30,00 euro
Ibilgetzearen berri ematen denetik iragaten den egun natural bakoitzeko, lehen eguna kenduta:	5,00 euro